

UPOZORANJE ZA KORIŠTENJE MAPA MINSKE SITUACIJE

- Mape pokazuju samo minski sumnjivo područje u Bosni i Hercegovini.
- Mape su podložne dnevnim promjenama i moraju se koristiti sa naročitim oprezom.
- Svaki ulazak minski sumnjivo područje je zabranjen i opasan po život.
- Naročitu pažnju obratiti na vrstu uređaja koji koristite radi tačnosti prikaza podataka
- Za detaljne informacije obratite se BHMAC-u na.....
- Aplikaciju ni u kom slučaju ne koristiti za kretanje blizu minski sumnjivih područja, odnosno na granicama minski sumnjivih područja
- Ako se slučajno nađete u minski sumnjivoj površini ili vidite nešto što bi vam moglo ukazivati da ste potencijalno u opasnom području:

Kratki priručnik iz upozoravanja na mine

Nakon rata opasnost po ljudske živote predstavljaju mine i druga eksplozivna sredstva zaostala iz rata. Mine su eksplozivne nehumane naprave izrađene, prije svega, u svrhu ranjavanja, ubijanja ljudi i uništavanja materijalno tehničkih sredstava.

Približno oko 2,1 % ukupne površine Bosne i Hercegovine predstavlja sumnjivu ili rizičnu površinu zagađenu minama. Često su u pitanju grupe mina, nepoznatog rasporeda i bez minskih zapisnika. Mine mogu biti postavljene po pašnjacima, šumama, planinama i u naseljima. Mine je u prirodi vrlo teško uočiti. Mine se aktiviraju uglavnom nagazom ili povlačenjem potezne žice. Prilikom eksplozije uzrokuju teške tjelesne povrede i smrt.

- **Prije odlaska na teren obavezno se informišite da li je područje sumnjivo na minsku opasnost!**
- **U slučaju da ipak, morate proći kroz ta područja, krećite se isključivo sigurnim utabanim putevima i stazama koji se već koriste!**
- **Nikada ne idite sami u nepoznato područje, pogotovo sumnjivo na minsku opasnost!**



Znakovi za minsko obilježavanje !


- **Zbog postojećih velikih površina zagađenih minama, u Bosni i Hercegovini postoje površine koje nisu u prirodi obilježene minskim znacima tj. minski znaci su uništeni**

ili ukradeni. Postoje dva osnovna oblika minskog znaka: četvrtasti sa natpisima. Prednja strana znaka je crvene boje sa mrtvačkom glavom i natpisima PAZI-MINE u bijeloj boji ili MINE-ZABRANJEN PROLAZ.

- Oznake za minska polja se ne smiju uništavati ili otuđivati.

Ukoliko se nađete u minskom polju:

- Odmah stanite i ostanite mirno u mjestu gdje ste se zatekli!
 - *Ne paničite!* Ako je neko sa vama, upozorite ga na opasnost na mine!
 - Zovite “*U pomoć, mine*” i ne pomjerajte se!
 - Ne poduzimajte nikakav rizik da sami izađete iz minskog polja!...
 - Čekajte da pomoć stigne, jer je bolje provesti i dan u minskom polju nego ostatak života kao invalid!
-
- Nikada ne ulazite u minska polja, čak i kada treba pružiti pomoć povrijeđenom! U tom slučaju nastojte osigurati što hitniji dolazak stručnih osoba osposobljenih za ulazak u minska polja...



MINA UBICA U BIH PROM-1.

Potencijalno minirana područja i pokazatelji koji govore da bi moglo biti minska polja u blizini:

- Bivše ratne linije razdvajanja zaraćenih strana!
- Blizina napuštenih kuća, bunara i razrušenih objekata!
- Obale rijeka, potoka i izvori vode!
- Duž puteva, pruga, dalekovoda, tunela i mostova!
- Znakovi ili trake minske opasnosti!
- Prazne kutije za municiju!
- Tragovi borbi kao što su krateri od granata ili razbacane čahure od metaka!
- Vojna oprema ili obični predmeti na neobičnom mjestu!

Telefoni za pomoć:

Policija (122) Centar za uzbunjivanje Civilnih Zaštita (121)

Centar za uklanjanje mina u BiH (033/253-800)